


鞏昌府志

子



重修鞏郡志引

隴右屆天西北厥星井厥州雍
義軒鍾靈夷齊高隱於是乎在
而且阻山帶河據險百二周孝
王命非子養馬馬蕃封居秦亭
續嬴氏嬴秦自茲始歷春秋戰

國迄漢唐富強聞天下前朝張
郡字曰鞏領州有三縣十有四
閩以五衛四所文武森羅軍民
錯處詩書弓矢頡頏不相下地
鄰沙漠距玉關稍遠狼煙笳笳
有警輒驚愕嚴戒綿亘南北千



餘里東西稱是固宇內半壁疆
土關以西一重鎮也郡故有乘
出秦安胡中丞手世久魯魚甘
聞淡見多所掛漏讀者病之民
部楊公鳳池博古識竒主盟當
代厭舊編弗備久欲翻梨殊嫌

矯往會朱觀察年直指都有意
先甲屬公董狐之筆公謝不敏
守土二三公手墨卿楮大夫造
公廬敬請公慨然述而兼作即
舊志訛者證之闕者補之舛者
削之剩者刪之遺者增之紊者

於次之簡者潤色之粗仍其皮
膚精釐其體格大而山川細而
土毛上之星辰下之疆域地里
險易墩堡修廢豪傑芳徽良吏
姓名以至公守橋梁靈境古刹
遠溯古初近及末季世宙沿革

之故載籍得失之林犁然備具
灑灑乎陝右全書一代良史哉
其最著則首陽一辯勘破千古
蓋河東首山隴西首陽山位次
甚明讀公辯緣古券今五證斬
斬內原心一議最得夷齊不食

周粟意二賢有靈當稱楊君知
已按古籍稱首陽不一莊子索
隱方輿勝覽都云在隴西讀詩
采苓采苓首陽之巔原秦風也
錯簡於唐尤爲確證水經註曰
渭水東南流經首陽縣書曰道

渭自烏鼠詩書出鴻濛以後古
今山川則隴西首陽真夷齊餓
處也夫羲之卦軒之鼎夷之蕨
具在天水覩志中輿圖勝槩戶
口蕃殖以迄物產竒怪全盛規
模仍古乃今山童如水涸如四

野莽如百室枵如一逢儉歲道
殫相望棄室廬逃移者纍纍徇
番錯居生而挾弓馳馬爭劫掠
自予雄東南曠洞克跣躄窟穴
羣不逞攘臂據之不禁滋蔓禁
輒操戈相伺可慮也尤宜亟慮

也歲庚申七月萬曆祚終八月
爲泰昌元年是月望蘭右黃河
清三日與渭水蕩漾隴右文士
濯纓耕夫含鼓相與慶河清可
俟聖哲熙臨郡志恰此日告成
若仰佐國史下應地靈也者孔

子曰吾志在春秋楊公勳烈紀
香署勁節昭旦評不朽大業在
著述最注心在郡志志大凡有
十紀跡紀事紀名物紀歲月則
千萬言夫言梗槩耳維是觀山
河壯麗思保障撫聖賢遺跡思

計安核軍伍虛耗思訓練念問
左蕭條思撫字俾今日之隴依
然春秋戰國時富強之隴則志
耶卦耶鼎耶蕨耶與天壤俱敝
可也余叨守鞏於地方無尺寸
効值楊公修志盛舉用效忠告

於後之守鞏者皆天啓辛酉孟春

賜進士第中憲大夫知鞏昌府
事前工部營繕司員外郎西

蜀克國劉文琦撰



鞏昌府志述

鞏郡記撰自中丞可泉胡公
餘七十年矣未續也聞鄉長
老言中丞蘊竒博古雅負時
望撰記時意不可一世之作
曰丈夫業以操觚有命當以

鞏昌府志

述

一

一家言詔世傳遠柰何匍匐
邯鄲門分類析直類書例譜
耳奚稱作者於是自出義例
獨運爐錘標目必附經史援
引必窮幽僻神契命苞表音
古色猶之蟲書鳥篆橫布錯

陳僻不盡識繁不易竟要以
竒博籠蓋一時使受吾籠者
伏而不敢問不受吾籠亦疑
而不欲詰故觀者不終卷輒
置之然未有議修輯者萬曆
歲丁巳吳會朱公以大方伯

節來分守隴右欲考風謠以
佐旬宣亟索郡記讀之尋所
劄考弗了了也有意改作之
予以年家之末間侍緒論偶
當臭味遂以檢勘見屬固謝
不可得退而翻閱舊記大都

質以文掩主以賓湊紀事寡
要反成散漫纂言少斷殊覺
龐雜意在遺俗不無成障賴
收攬弘博不更煩考索第就
其間徹豐蔀約嚙沓稍闢蹊
徑直呈面目未敢戡薄門類

但蘄開卷了然即謝恢竒倘
供稽覽惟是識闇才疎管窺
全豹瑕指完璧與舊記不能
無小異爲慚爲懼耳蓋懼夫
後之視今亦猶今之視昔既
承校讐之委難辭僭踰之嫌

語曰我且直之倘勢則然乎
又聞之馬遷史記實纂談遺
郭象南華大翅莊樞世謂遷
為肖子象為忠臣不聞有非
之者人或以此罪予予且援
以自解矧其屬定制不可易

者一仍其舊亦豈可謂勿宗
耶稿成繕寫就正於公采為
稿州太出鴻裁細加釐正而
以榮陟行屬郡伯西充劉公
適以時至毅然較定付剞劂
公自有序予姑述其本末如

此

天啓辛酉仲春首陽山人隴

西楊恩撰



序

粵郡之有志猶國之有史家之
有乘也溯古考今必精詳無僞
郁郁乎宏詞炳蔚斯可與日星
河嶽並垂不朽是郡之不可一
日無志也亦何可易言志首列

分野象緯備及禎祥災異勿諛
勿譌敬天之道也遠考輿圖記
山川之形勝疆域之界址以及
土產方物分編明析察地之宜
也至若聖賢遺跡名臣偉烈尤
不敢畧戰守必究其得失孝節

勿遺於草野重人之義也大而
錢穀戶口經制典禮細而習俗
奢儉人情好尚無不犁然畢具
志之所關誠重矣哉郡志始於
胡可泉先生歷數十年而鳳池
楊公續之原本湮沒惜未之見

也又六十餘載幾經兵燹版籍
焚燬即續志亦不可問矣余自
庚申來守南安此地夙稱邊郡
民貧而悍自軍旅飢饉之後僅
存孑遺每見其鳩形鵠面築土
爲屋削木爲瓦食則尋粗糲衣

則乏布縷尚苦於積逋之催徵
差徭之煩重啼飢號寒之狀比
比皆然也余表率屬吏加意撫
綏勸刁民以安良善唯期清淨
無擾念切民瘼不遑寧處七載
如一日雖無時不以郡志爲念

實未能修舉也今

聖

天子重道崇儒丕彰文教命翰

苑諸臣修一統志

詔下直省廣搜舊本彙集史館
大中丞問之於方伯方伯問
之於郡守而郡守則茫然無以

應信乎郡之不可一日無志也
丙寅春家拙庵仲兄遠來鞏署
備述途所經過多古名蹟索郡
志於余余曰郡之無志已十有
二載矣仲兄責余曰從來循良
之吏或以治行流芳於奕禩或

以文學顯名於當時徵之史冊
代不乏人汝之守南安可能如
龐仲達之接任棠乎曰未能也
可能如廉叔度之歌五袴乎曰
未能也可能如李伯都之敦詩
說禮魯世英之移思墳籍乎曰